

Nassuiaatit nalinginnaasut

1. Siunnersuutip imaa:

Inatsisissatut siunnersuut immikkoortunik pingaarnernik makkuninnga imaqarpoq:

Inatsisissatut siunnersuummi §§ 1-4-mi naalackersuinikkut ingerlatsisut partiit naatsorsuutaasa tamanut saqqummiunnissaat pillugu maleruagassanik aalajangersaasoqarpoq. Siunnersuut malillugu partiit, Folketingimut imaluunniit Inatsisartunut kingullermik qinersinermi Kalaallit Nunaanni qinigassannortitsisimasut partiip nuna tamakkerlugu kattuffiata isertitai aningaasartuutaalu pillugit ukiut tamaasa ukiumoortumik naatsorsuutunik saqqummiussisassapput.

Naalackersuinikkut ingerlatsisut partiit naatsorsuutaat partiip nuna tamakkerlugu kattuffiata isertitagitut tunngasunik paasissutissanik arlalinnik imaqassapput, tassunga ilanngullugit partiit pisortaniit tapiissutisarnernat pillugu maleruagassatigit pisortanit pissarsiarineqartut, ilaasortaniit inuinnarniillu, nunani tamalaani suleqatigiiffiniit, inuinnat ataatsimoorussamik peqatigiiffiniit, suliatigit kattuffinnit, inuussutissarsiorlut suleqatigiiffiniit, inuussutissarsiorluni suliffeqarfiniit, aningaasaateqarfiniit peqatigiiffiniillu isertitat annertussusaat. Partii ukiumi naatsorsuiffimmi akiliuteqartumit ataatsimiit akileeqataassumik imaluunniit akileeqataassutunik arlalinnik katillugit 10.000 kr.-inik amerlanerusunik pissarsisimappat akiliisup aqqa najugaalu ukiumoortumik naatsorsuutinit takuneqarsinnaassaaq. Tassani tunngavigineqarpoq akiliisup kinaassusianik partiip ilisimanninnissaa.

Kinaasutsiminnik nalunaaruteqaratik akiliuteqartunit akileeqataassutit tamarmiusut annertussusaat pillugu paasissutissanik aamma 10.000 kr.-it sinnerlugit kinaasutsiminik nalunaaruteqannigsumit ataasiakkaanit akileeqataassutit annertussusaat pillugit paasissutissanik naatsorsuutit aamma imaqassapput.

Naatsorsuusiortussaaneq aamma partiip aningaasartuutaanut tunngasuvoq. Ullumikkut partiit naatsorsuusiortneranni najoqqutassat malinneqareersut, aamma naatsorsuusiortnermi ileqqorersaernerup saniatigit aningaasartuutit immikkoortiternissaannut immikkut piumasaqaateqarnissaq pisariaqartinneqarsimangilaq.

Siunnersuut malillugu naatsorsuutit Inatsisartunut nassiunneqassapput, tassanngaanniillu naatsorsuutit tamanut saqqummiunneqassallutik, assersuutigalugu Inatsisartut nittartagaasigut saqqummiunnerisigut.

Inatsisissatut siunnersuutip tassunga tunngasortaata siunertaa tassaavoq partiit naalackersuinikkut ingerlatsinerannik kikkut aningaasalersuinerannik inuit tamat paasisaqarnissaasa qulakkeerneqarnissaa.

Suliffeqarfiit soqutigisaqatigiillu il.il. soorunami kusanartumik anguniagaqarniarneq aallaavigalugu partiimut aningaasanik akileeqataasinnaapput. Nassuerutigisariaqarporli naalackersuinikkut ingerlatsinermi partiinut il.il. akileeqataanerit nammeneq soqutigisaannarnik aamma tunngaveqarsinnaammata; akileeqataassutit naalackersuinikkut ingerlatsinermi sunniuteqarniarnermut atornerqarsinnaammata.

Partii sunaluunniit naggataatigut qinersisartunit isummerfigineqartussaavoq. Akileeqaatasut taaku soqutigisaat malillugit ingerlatsinini naalackersuinikkullu iliuseqarnini aqqissuunneratigut aningaasatigut akileeqaatasut assuarnartumik partiimit isumaginiarneqarnersoq qinersisartunit nalilersorneqartussaavoq. Taamaattoqassappalli partiit naalackersuinikkut ingerlatsinerannik kikkut aningaasalersuisuunerat qinersisartunit ilisimaneqartariaqarpoq.

Suliffeqarfiit soqutigisaqatigiilluunniit il.il. naalackersuinikkut ingerlatsinermi ajunngisaarfigineqarnissaminut akiliiniarnerat akornuserneqarsinnaagunanngilaq, tamatumali ammasumik pinisaa qulakkeerneqarsinnaavoq, taamaalilluni partiit ataasiakkaat isumaat akilerlugu qanoq annertutigisumik allanngortinniarneqarnersoq qinersisartunik naliliiffigineqarsinnaalluni.

Siunnersuutip taamaalilluni ammasuunerup qulakkeerneqarnissaa siunertaraa, tamannalu piviusumik inuit aqutsinerannut pingaaruteqartumik tunngaviuvoq.

Partiit ilai aqqissugaanermikkut namminerisaminnik immikkoortorta qarput imaluunniit inuusutunik immikkoortorta qarlutik, tamakkiisumik kajumissuseq naapertorlugu, akissarsiaqarnatik sulisoqartunik, immikkullu naatsorsuusiortussaanerannik peqqussallugit tulluassanani. Tamanna tunngavigalugu siunnersuutigineqarpoq naatsorsuusiortussaataaneq partiip nuna tamakkerlugu kattuffianut taamaallaat atuutissasoq.

Taamaattorli siunnersuummi § 4-mi aalajangerneqarluni partiip immikkoortorta qarfia inuusuttunullu immikkoortorta qarfia inunniit aamma suleqatigiiffinniit peqatigiiffinniillu il.il. akileeqaataassutit, immikkoortorta qarfiup ukiup ingerlanerani pissarsiarisimasai, erseqqinnerusumik aalajangersarneqartumik partiip nuna tamakkerlugu kattuffianut nalunaarutigisassagai, siunnersuummi § 1, imm. 4 malillugu partiip ukiumoortumik naatsorsuutaani nalunaarsukkami paasissutissat taakku naleqqussarlugit ilanngunneqartussaallutik.

Nalunaaruteqartussaataaneq ukiumi naatsorsuiffimmi inunnit aamma suleqatigiiffinnit peqatigiiffinniillu il.il. akileeqaataassutitik katillugit 40.000 kr.-inik amerlanerusunik pissarsisimasunut immikkoortorta qarfinnut inuusuttunullu immikkoortorta qarfinnut taamaallaat atuuppoq. Immikkoortorta qarfiit inuusuttunullu immikkoortorta qarfiit ikitsuinnaat, taamaattoqassappalluunniit, inuinnarnit akileeqaataassutitik taama amerlatigisunik pissarsinissaat ilimanarpoq, nalunaaruteqartussaataanerlu pillugu aalajangersagaq taamaattumik immikkoortorta qarfinnut inuusuttunullu immikkoortorta qarfinnut pingaaruteqarnissaa naatsorsuutigineqarnani.

Nalunaaruteqartussaataanerup siunertaali tassaavoq inatsisartut inatsisaata avaqutaarnissaata akerlilernissaa. Inuinnaat, partiimut aningaasanik annertoorejussuarnik akileeqaataarusuttut, aamma akileeqaataasup kinaassusia partiimit ilisimaneqarnissaanik kissaateqartut, partiip nuna tamakkerlugu kattuffianut tunniussinatik immikkoortorta qarfinnut aningaasanik tunniussinermikkut akiliuteqarnertik kikkunnut tamanut isertuussinnaassanngilaat.

Inatsisissatut siunnersuut § 5-mi inatsisartut inatsisaani aalajangersakkanik unioqquitsisoqartilugu akiliinissamat akisussaaffeqarneq pillugu maleruagassaqarpoq.

Inatsisissatut siunnersuut Danmarkimi maleruagassanut atuuttunut annertuutigut assiguvoq. Taamaalilluni naalackersuinikkut ingerlatsisunut partiinut inuit akileeqataassutaat aamma naalackersuinikkut ingerlatsisut partiit naatsorsuutaasa tamanut saqqummiunneqarnissaat pillugit Danmarkimi inatsimmut atuuttumut innersuussisoqarpoq.

2. Aningaasaqarnikkut allaffissornikkullu kingunissai:

Inatsisissatut siunnersuut pisortanut aningaasartuuteqarnermik allaffissornikkulluunniit kinguneqartitsinissaa naatsorsuutigineqanngilaq.

3. Tusarniaaneq:

Saqqummiussinissaq sioqqullugu siunnersuut tusarniutigineqarsimanngilaq. Siunnersuutigineqarpoq siunnersuutip aappasaaneerqarnera 2012-mi upernaakkut ataatsimiinnissamut kinguartinneqassasoq. Pisut akornanni oqartussanut kattuffinnullu il.il. attuumassuteqartunut tusarniaaqqullugit Naalackersuisut qinnuigineqarput aamma tusarniaanermi akissutit pissarsiarineqarsimasut inatsisartut ataatsimiititaliaata suliarittumut nassiuunneqarlutik, taamaalilluni siunnersuutip ataatsimiititaliami suliarineqarneranut taakku ilaatinneqarsinnaallutik.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Aalajangersakkami partiit, Folketingimut imaluunniit Inatsisartunut kingullermik qinersinermi Kalaallit Nunaanni qinigassanngortitsisimasut partiip nuna tamakkerlugu kattuffiata isertitai aningaasartuutaalu pillugit ukiut tamaasa ukiumoortumik naatsorsuutininik saqqummiussisarnissaanik pisussaaffeqarput. Naatsorsuusiortussaataaneq partiip nuna tamakkerlugu kattuffianut taamaallaat atuuppoq. Immikkoortortaarfiiit aalajangersakkamut ilaatinneqanngillat, taamaattorli § 4 tak. Naatsorsuutit isertitanut tunngasortaasa immikkoortiternissaannut aalajangersakkami immikkut piunnaasaateqarpoq. Naatsorsuutiniissapput § 1-imi taaneqartuni isertitanit immikkoortunit ataasiakkaanit aningaasat amerlassusaat pillugit paasissutissat. Ukiup naatsorsuiffiusup ataatsip iluani akileeqataasup akiliutai 10.000 kr.-inik amerlaneruppata akileeqataasup aqqa allanneqassaaq najugaalu aamma allanneqarluni.

Ukiumoortumik naatsorsuutit ilassutitut nalunaarsukkatut partiip nuna tamakkerlugu kattuffiata § 4 malillugu pissarsiarisimasaanik paasissutissanik imaqqassapput, tassa inunniit, peqatigiiffinniit suleqatigiiffinniillu il.il. akileeqataassutit pillugit partiip immikkoortortaarfianiit inuusuttullu immikkoortortaarfianiit paasissutissat.

§ 2-mut

Piffissaq naatsorsuusiortifiusoq imm. 1 malillugu tassaavoq ukioq ilitsoq. Imm. 2 malillugu naatsorsuutit partiip aqutsisuunit atsiorneqarsimassapput aamma ukiumoortumik naatsorsuutini allanneqarsimasunik partii allanik isertitaqarsimanngineranik aningaasartuuteqarsimanngeranilluunniik nalunaarummik imaqqassallutik. Naatsorsuutininik nalunaarummillu kina atsiortuussanersoq partiip malittarisassaani aalajangerneqassaaq.

§ 3-mut

Aalajangersakkamiippoq ukiup naatsorsuiffiusup naaneraniit kingusinnerpaamik qaammatit arfinillit qaangiutsinnagit partiip aqutsisui ukiumoortumik naatsorsuutunik Inatsisartunut, tamanut saqqummiussisussanut, nassiussinissaannut pisussaaffik. Tamanut saqqummiussinissamut piumasaaqammi siunertaq tassaavoq partiit naalackersuinikkut ingerlatsisut qanoq aningaasanik pissarsiarnerannik inuit tamat paasisaqarnissaat. Naatsorsuutit Inatsisartunut nassiunneqassapput. Naatsorsuutit Inatsisartunit misissorneqassanngillat imaluunniit akuerineqassallutik, taamaallaalli tamanit pissarsiarineqarsinnaassallutik. Naatsorsuutigineqarpoq naatsorsuutit Inatsisartut nittartaqaanni Inatsisartunit tamanut saqqummiunneqartassasut.

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat malillugu Inatsisartuni partiit sulinerannut partiit tapiissutisarsersut ukiup siulia pillugu naatsorsuutit kukkunersiorneqarsimasut kingusinnerpaamik 30. junimi Inatsisartut Siulittaasoqarfiannut nassiunnissaannut pisussaaffeqarput. Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat nr. 1, 31. maj 2001-imeersumi § 9, imm. 2 malillugu tigu-saqareernerup kingorna taakku tamanut saqqummiunneqarnissaannut Siulittaasoqarfik pisussaaffeqarpoq.

§ 4-mut

Taamaattorli siunnersuummi § 4-mi aalajangerneqarluni partiip immikkoortortaqarfia inuusuttunullu immikkoortortaqarfia inunniit aamma suleqatigiiffinniit peqatigiiffinniillu il.il. akileeqataassutit, immikkoortortaqarfiup ukiup ingerlanerani pissarsiarisimasai, erseqqinnerusumik aalajangersarneqartumik partiip nuna tamakkerlugu kattuffianut nalunaarutigisassagai, siunnersuummi § 1, imm. 4 malillugu partiip ukiumoortumik naatsorsuutaani nalunaarsukkami paasisutissat taakku naleqqussarlugit ilanngunneqartussaallutik.

Nalunaaruteqartussaataaneq ukiumi naatsorsuiffimmi inunnit aamma suleqatigiiffinnit peqatigiiffinniillu il.il. akileeqataassutinik katillugit 40.000 kr.-inik amerlanerusunik pissarsisimasanut immikkoortortaqarfinnut inuusuttunullu immikkoortortaqarfinnut taamaalaat atuuppoq. Ilaasortaanermut akiliutit aalajangersakkamut ilaatinneqanngillat, tassa aalajangersakkami § 1, imm. 1, nr. 3-4-mut ilaatinneqartunut akileeqataassutinut taamaallaat innersuussisoqarpoq, nr. 2-unnigtorli.

Nalunaarutigineqartussanut ilaapput akileeqataassutit tamarmiullutik annertussusaat aamma kinaasutsiminnik nalunaaruteqaratik akileeqataassutaat tamarmiusut. Aamma 10.000 kr.-it sinnerlugit kinaasutsiminik nalunaaruteqanngitsumit ataasiakkaanit akileeqataassutit annertussusaat pillugit paasisutissanik aamma nalunaarutit imaqaassapput.

Kiisalu aqqinik taaneqarlutik akileeqataasuniit akileeqataassutit ataasiakkaat nalunaarutigineqassapput, kisianni aatsaat akileeqataasoq pineqartoq ukiumi ataatsimi ataasiarluni arlaleriarluniluunniit katillugit 10.000 kr.-it sinnerlugit akiliuteqarsimappat. Taamaattoqartillugu, aningaasat annertussusaasa saniatigut akileeqataasup aqqa najugaalu nalunaarummi allanneqarsimassaaq.

Paasissutissat nalunaarutigineqartut, § 1 malillugu partiip nuna tamakkerlugu kattuffiata saqqummiussassaani ukiumoortumik naatsorsuutitut nalunaarsuutitut ilassutitut ilanngunneqasapput, aamma § 3 malillugu taakku tamanut saqqummiunneqarnissaat siunertaralugu Inatsisartut Siulittaasoqarfianut nassiunneqassallutik.

§ 5-imut

Ukiup naatsorsuiffiusup naaneraniit kingusinnerpaamik qaammatit arfinillit qaangiutsinnagit ukiumoortumik naatsorsuutink Inatsisartunut partiip nassiussisussaananeramik unioqquitsinermi aamma ukiumoortumik naatsorsuutini eqqunngitsunik amigaateqartunilluunniit paasissutissanik tunniussoqartillugu ikiliisitsisoqarsinnaavoq.

Ukiumoortumik naatsorsuutit partiip aquttuinit atsiorneqarnissaanik unioqquitsisoqartillugu aamma ukiumoortumik naatsorsuutini allassimasunik allanik partiip allanik isertitaqarsimannginneranik nalunaaruteqarnermik ukiumoortumik naatsorsuutit imaqarnissaat pillugu piumasaqaatip unioqquatinneqarneranut aamma akiliisitsisoqarsinnaavoq.

Kiisalu immikkoortorta qarfik pineqartoq ukiumi ilivitsumi inuinnarniit imaluunniit nunani tamalaani suleqatigiiffinniit, inuinnaat ataatsimoorussamik peqatigiiffinniit, suliatigut kattuffinniit, inuussutissarsiorlut suleqatigiiffinniit, inuussutissarsiorluni suliffeqarfinniit, aningaasaateqarfinniit peqatigiiffinniillu akileeqataassutinik katillugit 40.000 kr.-inik amerlanerusunik pissarsisimappat ukiup naatsorsuiffiusup naaneraniit kingusinnerpaamik qaammatit sisamat qaangiutsinnagit immikkoortorta qarfik inuusuttunullu immikkoortorta qarfik paasissutissanik erseqqinnerusumik allanneqarsimasunik nuna tamakkerlugu kattuffimmut nassiussisussaataanerminik unioqquitsisimappat akiliisitsisoqarsinnaavoq. Taamaaqataanik eqqunngitsunik amigaateqartunilluunniit paasissutissanik nuna tamakkerlugu kattuffimmut tunniussisoqarsimatillugu akiliisitsisoqarsinnaalluni.

Kalaallit Nunaanni pinerluttulerinermik inatsimmi inatsisitigut pisussaataasup pisinnaatitaasullu akisussaaffia pillugu kapitali 5-mi maleruagassat malillugit partiip kattuffia, tassunga ilanngullugu aamma immikkoortorta qarfik imaluunniit inuusuttunut immikkoortorta qarfik, akiliisineqarsinnaavoq.

§ 6-mut

Inatsisartut inatsisaat ulloq 1. januar 2013-mi atulersinneqassaaq. § 1 malillugu naatsorsuutit 2012-mut ukiumut naatsorsuiffik pillugu siullermeertumik nassiunneqassapput.